

沅  
湘  
耆  
舊  
集

沅湘耆舊集卷第一百三十一

新化鄧顯鶴湘阜編輯

湘陰左宗植仲基校訂

邵東詩老歐陽輅

古體詩六十五首

番公謠

博羅古洞生紅毛石稜萬疊交  
戈戣上有鐘乳千年膏  
蟠人鬪虎操蠻刀  
剗取寒玉雙紫稍  
釀爲美酒青蒲萄  
一斗論價黃金高  
踰前紛紛解豚羔  
健兒袒臂意氣豪  
斷筋作脯遺老饗  
番公斜坐屈兩牖  
大卮一瀉如狂濤  
聽歌不息歌者勞  
賦籤已報雞三號

和仲玉舟集呈李司馬

銀箏羯鼓隨玉簫陽春妍麗風日嬌煖雲撲天鶯舌調美人笑倚雙蘭橈銀青帳子金絡條明璫寶髻光動搖彩袖輕漾試舞腰迴眸送睇歌且謠忽顰若嗔睨若驕忽遠若避近若招雲煙翻騰風亂交轟然四座歡聲鬪樽前玲瓏解華貂玉壺滴酒珍珠跳醉來粉黛生暈潮哀絲長甲爲君挑願君千壽齊松喬

東明寺

相公不識西園雨橫去打燕山兩頭鼓天南不賜逐臣環從此降人作謀主玉津園畔齋宮頭臣攸親見雲輶遊但問君王乞闕四唾手便可收亡州白溝咫尺燕雲路旦夕齒寒君不悟可憐一紙平夷書催送宮車北遷去嗚呼媿

相不足誅柄臣謀國何乃愚破宗謠起天下怨尙復遠黷  
邊功與城南七尺埋羞地年年寒食游人醉千秋遺笑太  
師青一杯誰酌東明寺

送吳介夫歸湘中

山高雲深霜雪苦老鴉寒嘯山魃語千溪萬壑凍不流白  
晝慘慘天欲雨山中人兮歸不得薄言畱之慘顏色高堂  
白髮日歎息歲晏不歸淚沾臆諸孫呱呱饑索食囊無寸  
絲女廢織老懷對此情曷極早秋書來頗詰責矧今愆期  
又冬逼君無畱我歸思亟君言如此君當發君不可畱我  
心怛臨歧悵悵不得別獵獵酸風刺人骨

履原山水障子

鄭生作畫不盈尺中藏魚龍不可測溪山萬里雲煙深  
海水簸揚天失色陰陽跌蕩垠崖崩風雨盤天鬼神出想見  
掀髯奮筆時雷霆在手聽驅叱聞君嗜畫如嗜酒醉中往  
往造神域自言飲如不盡酣兩腕辛酸苦無力我有東陽  
魚卵白人言此材頗宜墨卽今斗酒猶足供看君盤礴解  
衣幘

歸自湘中宿黃氏山莊畱別仲端

春雲著地天陰昏新荷蒲葉風交翻孤山南上望鄉邑落  
日遠樹迷烟痕我生自信窮薄命不惜曠蕩隨川原天令  
頑健便登涉漂泊正似萍無根寒衣自顧笑捷足乃與狸  
兔爭驅奔黃郎好古快談論款我西舍桃李園呼童歸扉

掃蛛網拂拭几案羅琴罇夜來連榻共吟笑謂我且可懸  
征軒此閒亭栩栩幽寂竹風擺蕩明朝暄牀頭圖書紛滿  
架政可研詰窮其源我從前年下連道邇來三歲羈湘沅  
鴛鴦曉曉鴉噪暮駭耳怪魅難追論去秋又踞省門鼓破  
壁局促如猿蹲豈知轉轉出下策百憂感愴勞神魂東堂  
長昏隗參省詎可畫策煩諸昆春深荒徑迫鋤灌待植棗  
柴園藩垣吾儕聚會有在詰朝揮手黃茅屯

楊彥和招飲古長楓市次其韻

仕宦當至萬戶侯探奇當泛天河舟男兒刺促不稱意且  
可南北東西遊吾鄉楚南山水窟觸目但見煙嵐浮瀟湘  
雲夢舊所歷快意便欲終年留矧乃心跡兩閒寂正似漂

蕩波中鷗揚侯蒼髯身七尺才名遠播江南北手持牛耳  
登詞壇落筆新辭寫奇特當年策馬來湘中我方兒嬉髮  
覆額衆中見我咤神奇謂我新詩有風格潭城三月春草  
柔走馬看花日連夕相期飛步梯青雲淬礪秋霜奮矛戟  
煙雲更變流年轉二十年閒如電捲神仙富貴兩無著期  
許辭誇不能踐我年三十鬢生頤君亦蕭蕭華髮滿置身  
已入迷途深失志應緣更事淺相逢舊習復中作好事風  
流未能免滄江白日風揚波自騎青馬金盤陀臨流狂謳  
興未極又邀我和陽春歌荒蹊叢榛發幽響空山積雨生  
藤蘿深杯百舉勸嘉客肝膈吐露情懷多人生此樂不易  
得令我傾歡動顏色君知檜柏能風霜男兒未可愁顛陪

壤蟲納穢不覺汗鴛馬當轅自貽戚謀身一飽亦易足骨  
相雖屯天肯厄洞庭之側衡山陽中有一畝煙蘿宅請石  
便畢婚嫁期人事紛紛豈終極

和唐使君觀妓席歌舞

花廊夜永調銀簧美人窈窕登華堂折腰垂手不可辨遙  
看羅袂當風颺繁絃嘈嘈隨急鼓循聲忽變鴛鴻舞迴翔  
欲下鴛鴦茵更作低斜小延佇使君謹呼更酒籌荷盤重  
剪琉璃毬一時滿座傾醪醅何處春風飛粟畱涼天皓月  
當窗滿歸雁滿空雲不動多情憐煞細腰支紫鳳嬌多金  
帶重蜀錦迴環翦雲翹滿中書作渠儂字天街洵洵碓靈  
鼉柰此欲落星明何



次韻留張十一丈

張侯自以冥名叟閉門一日三緘口誰令此老落江湖終  
歲牛衣露肩肘君家兄弟盡傑出阿大中郎比諸舅仲英  
慷慨維千夫季美昂藏射鵬手君名雖復阨諸生君才更  
出諸弟右莫嫌饑腹困藜羹快劍終當發雄吼我生癯疏  
百無當已分耕稼歸隴畝生涯歧路逐亡羊世事浮雲變  
蒼狗眼中擾擾昨暮兒抑鬱此居那得久惜君馬首行欲  
東令我鷓鴣孤落君後曉窗促坐聽晨鐘夜雨何時薦春韭  
湘南春事正愁人早見新黃上隄柳提壺催酒鶯喚人如  
此風光暫迴首請君下馬卸征鞍且可高歌拍銅斗

霜夜

城上宵柝欲三更井梧風動霜葉鳴霜葉鳴不已客子攬  
衣起起看門外霜氣濃一庭霜月煙濛濛霜月無情作寒  
暈大似欲傳冰雪信朝來把鏡驚猶看無數霜華上雙鬢

還家後述事自調

鶴人自笑心膽弱涉險年來動遭虐歸來三日坐空林尙  
覺驚魂遍蛟鱗生平所志但農圃挈家每欲安處託舊山  
在眼矢不忘往往夢中造林壑飢寒驅迫不少借百端著  
人作羈縛遂令潤跡湘湖閒二十年來負幽約問君栖栖  
定何得有似冶金空自躍打頭不覺霜華飛宛轉隨人給  
然諾老親倚燈不復寐夜寒念我衣襪薄怪我歸計何遲  
遲犯觸風塵履泥濼牀頭漉漉酒乍熟牆下叢叢筍新籜

藏書盡集紛待檢幼子髮垂行可角男兒骨相不諧俗踽  
踽此身何處著人閒得喪我自知老臥窮山更誰作來朝  
便擬入楓門一訪幽蹤採靈藥

餞送會同俊別駕從辰州軍征苗

男兒生有力如虎當騎快馬挽強弩會侯身材七尺長驍  
驍猛氣思戰場軍門昨夜羽書至怪君眉際朝來黃龍劔  
在腰弓在手請君盡此一罇酒如君人材不易得君當速  
行往殺賊

雪後月出簡伯裕

彤雲高張冰凍結寒空颯颯飛玉屑旋風宛轉東西縈須  
臆吹作花滿城千門萬戶掃不得新月照耀銀河傾念君

獨立新月下想見裁詩玉盈把詰朝踏雪看梅花曲折蒨  
隄放遊馬

送爾先歸衡江兼訊向古直丈

東溪醉丞雖脫穎落落清才誰得並作詩千字不經意論  
交四海爭延頸我昔辰陽偕之居窮山遍水恣遊騁來時  
春花飛滿城忽及秋季霜雪冷東西分道各馳去一別三  
歲音問梗中閒坎坷歷萬變思之令我心憎哽昨來湘中  
居月餘鄉鄰稍得接杯茗忽聞外論共驚怪有人負杖行  
東嶺綠叢青笠吟且前意態矯傑非常等心疑爲君思一  
見百慮紛騰難稍靜中宵喚渡清湘門曲折坡陀引遙嶺  
豈知所見果吾子不覺歡舞消宿瘦波濤怪險風雨惡君

何從來化泥海更闢樽酒相問勞坐見窗林上朝影東風  
吹隄百草綠黃鶯嚙樹衆芳遲窮探造化玩物變對此可  
以吟畫水凌晨剝啄打我門忽忽征衫懸兩脛云當別我  
乘陰去已辦風帆著歸艇問君恩恩去何速君言親老當  
定省兒年幼穉未了事邇來不免饑寒併又言有出在梅  
溪春深農事待畦町公家租稅須完納未到追呼心早警  
衡南溪山固奇絕况乃良辰迫蒲杏牽衣挽袖留不得使  
我離思增耿耿居停主人今若何君歸煩以前期請肯來  
相就煮脂苓吾行結舍湘山頂

泊洞庭同履原方止醉後放歌達曉

我行湘中望湖口經旬煙雨相冥濛朝來天氣得新霽一

沈雲霧閉清穹舟人喜甚掉謳發巨槳貫鎖牽雙戟中流  
帆脚始東轉已見危堞撐晴空翩翩少年鄭與謝好客頗  
有前賢風憐我南遊歲月久喜我疏坦心懷同長江日暮  
客船集置飲葭菼蒼茫中大卮屢舉喚行酒綠波引滿葡  
萄濃江魚味美白如雪芼以椒芥和霜蔥菘牙菰首晚更  
脆冰盤滿眼堆龍掄大江西來納衆派鼓盪元氣搖鴻蒙  
巴陵對酒望秋月萬頃一碧光玲瓏人生如此不成醉忍  
使斗轉參橫東興來一舉盡百棹有似積水奔長磯更闌  
霜冷衆客醉我亦眩眼生青紅船頭醉臥君勿哂君看落  
月猶朦朧

次日復和方止

玉蜍殘影曉未收  
炯炯初日生城樓  
天東光射天西頭  
大湖之水當中流  
秋雲飛兮木葉下  
終古蒼茫洞庭野  
黑風翻浪走蛟螭  
倒捲狂濤向天瀉  
湘魂冷落煙濛濛  
百靈幽集馮夷宮  
君山竹子不可伐  
千年血淚斑斑紅  
軒轅祠畔生秋草  
荆臺遺墓亦如埽  
空山靈雨漫驚猜  
誰見神仙真不老  
請君對此笑口開  
過眼風鐙何有哉  
不須懷古意  
惆悵且續殘醉傾餘杯

中秋對月有懷家兄在楚關呈同座

秋暑漸退秋光涼  
秋月上階窺我堂  
人言此是中秋月  
此夜清光更清絕  
銀濤滾滾飛向天  
玉露泠泠灑如雪  
廣寒宮殿知有無  
但覺霜華沁人骨  
我被秋雨相欺凌  
快對佳

月如佳朋一年見汝幾回好每念契濶情難勝惜君行又別我去使我一室孤如僧不辭且盡杯中酒一觴引滿爲君壽忽憶湘南秋橘香今宵喪鼻君知否

銅鼓歌和謝中丞

啓崑

錢學使

楷

使院銅鼓誰所貽爾時意匠真詭奇土花斑斕質雖古物類刻劃形無虧百蟲聯蜷雜龜雌衆凸錯列蟠星碁蛟胎皮老古涎滑石根泉湧秋苔披不知何人剗爲此謬使俚俗爭相規象形揆義兩無取但見瑣瑣冰垂蕤寒芒射眼霜透骨著手凍粟生人肌祖龍銷鑄不到此豈亦鬼物相扶持石湖老子漫解事謬云伏波之所遺自注范石湖桂海謂銅鼓爲伏波當年駱越上馬式未聞作鼓銘勤施燕然冒妄世所誚



侯之氣詎甯肯爲又云此鼓號諸葛謂是丞相昭來茲彼

民見此致恭敬至今論說紛嗟嚱至人勲澤在人世引重

各欲榮其私孔明天子有遺祀異俗荒謬不足疵自注苗俗祀神

多書孔明明頗聞彼中好神鬼社賽往往喧金鼓鄉鄰牛酒

天子之位苗謂其伯什俯首爲之廝葫蘆之笙狗耳鬻

媚抑老自注苗謂其伯什俯首爲之廝葫蘆之笙狗耳鬻

蹄堂歌舞聲嚶呀中閒芽蘗遂多故爭長剽殺如兒嬉惡

勞喜逸固其理習尙雖陋情豈昧卒然奮臂起格鬪駢首

刃戟吁可悲邇來碧海掃氛瘴不復憂擊矜雄雌會器流

失著泥莽孑此亦見風俗移堂堂中丞莅斯土鼓鑄鞏勳

歸恬熙使君範治遍多士春撞金石羅尊彝公餘灑筆紀

風物玉堂笙管相賡吹高文煌煌盡物態餘唾欲拾難爲

辭夜窗風起短檠暗鏤畫一笑真冰脂

七夕和錢學使

玉輪半展秋痕靜翠幙翻波透斜影珠林華露溼虛空十  
二天街風氣冷終古河梁馮清咽未必仙人怨離別同心  
天遣各東西可歎歡娛有衰歇流霞雜遯宵煙起雲耕勿  
任煙霞裏秋閨兒女漫嬌癡竟夜西風射眸子雙星酌汝  
樽酒清人生有情山亦傾長歲相望不得語碧海青天柰  
何許

錢學使使車紀勝圖

有序

學使以戊午興試蜀中其年冬視粵西學延輅襄校粵  
中每閒談蜀中棧道之奇泊使事竣爲桂林棧道二圖

彙成軸曰使車紀勝集同志爲歌詩輅以謂粵中之遊  
目所及觀蜀中之勝則學使言之特詳故臚舉所聞詳  
於蜀而畧於粵亦慨不及見之義云

溪雲山樹天開章溪山清氣來無方十年閉戶考今古不  
如萬里觀湖江先生把笏玉堂直太微蔚列哀烏郎

帝曰汝往蜀與粵遠跡川嶽搜幽光歷燕趙秦入巴峽覽  
察風物登其良九月卒事拜 帝命遂下沅澧浮瀟湘邇  
來粵中又三載兩江轍迹窮遐荒公餘爲我話游歷論說  
纔及鬢眉張謂我嶺西目所擊惜我未得窺岐梁岐梁棧  
道絕險峭背屏倒挂千羊腸黃蘗一綫起天末拳巒注壑  
相低昂坡陀故作屈盤意欲進復被橫峯妨碧然絕壁斷

人徑萬山相向森鋒芒亂雲捲地四野合炎風滾滾吹人  
僵馬頭咫尺不可辨翻空忽見天青蒼試凌絕頂肆遠目  
但訝碧海煙茫茫長空雪浪一條吼天雷白晝鳴硠硠聽  
之百怪在眼底恍然置我赤甲青衣旁公家固自山水窟  
癖之已入膏與育自言懷抱厭局促每造奇勝情難忘今  
年嶺微幸陪賞蒼梧煙雨同吟望不知龍牙犀窟裏自注  
牙山  
巖巖比似蜀道誰差強淮南徐生作此本醉中墨瀋傾  
淋漓兩邦人士作嘉話摩指陵谷真吾鄉西南一角跬步  
耳放眼未覺程途長他時謁帝問風土溪山已入臣詩  
囊囊中何有有圖畫蜀山粵水紛迴翔承明之廬春晝永  
閒緘一笑天顏臧待公霖雨遍海內雲煙百幅揮縑緗

奉酬汪司馬

端光

寄示詩集

仙人不食人閒食但飲流霞朝紫極忽然披腹出心肝灑  
作秋江夜明色秋江雲深浪莫測高巖參天壁四泐雲煙  
微茫徑路仄中有至人坐默默仙官聯絲蕭纓翟指揮羣  
音斥不職懸黎琢雲膩欲滴疏絃琅琅弄幽寂夜呼江龍  
使吹笛寒濤飛來逼人暗我昨臥窗天始明若書朝傳令  
我評驚起讀之汗生頰掉頭落冠不及纓日來就君言以  
情與君羅引章咸英或度以矩平以衡澄江孤館新涼生  
坐對槐竹西風清何知落落千載意共此雪化心神傾詩  
來博君笑荒僮綠君知我饑腸鳴聞關塞吃難爲聲

傲之郎中招同諸同人壺山看桃花以花塢夕陽遲

分韻得塢字

壺山去天一尺五下望羣山紛可數東風載酒遠相尋知  
有桃花狂深鳴春雷打徹涼州鼓九十春光遽如許朱霞  
聯緜千萬縷風前綺浪軒軒舉絕憐幽賞失良期已過花  
朝數番雨美人遲暮奈愁何脈脈芳情欲誰語空山無人  
僧舍古一杯屬君君聽取灘江迴首春欲闌滿耳新聲嘯  
壯字詎可花前不醉歸便遣恩恩踏花去

爲季壽題徐生所畫山水

高人不樂城市居十日兀坐如檠株眼明見此壁上畫始  
覺浩浩心神舒騅驢固是神異物遠望八極思騰驅誰言  
江河各南北一衣帶水浮沮洳三年薄宦落吳會八山對

我如吳姝至今湖上吟覽處使君詩句人爭譽惜哉歸計  
太卒卒有似過眼風波趨笑謝青山一揮手別公去矣公  
知予歸來一洗塵土腕宦囊雖窘詩囊欣夸娥落君懷袖  
裏掀髯一笑君豈愚徐生筆力老益健風骨似是山澤癯  
君看三尺紉素裏已有嵐霧生庭隅生平我亦湖海客蹤  
跡正類樵與漁惟陽秋晚記南食末下鹽豉松江魚不知  
造物有意否使我結此溪山娛此身住著定何所茫茫天  
地無乃拘君今又歸楚中去衡雲九面爲君攄定知撫景  
發孤唱酒闌憶我高陽徒

球口送邢皓尹湖北

一樽酒爲君壽江頭急鼓催落日使君立馬望天末我亦

扁舟欲東發我有冰雪三條絃  
臨行彈向征人前人生意  
氣亦何有好官不過多得錢  
前年楚中大帥死白日囊焚  
閉城市今年官軍誅賊魁  
賊徒潰敗如塵埃承平未可忘  
戒備或恐餘黨潛蒿萊  
我有光明一尺鐵寒如凝冰皎如  
月請君持此靖遺孽  
功成他日歸去來與子相期金錄臺  
同人社集詠古拈得穿錢眼王鐵槍二首

穿錢眼

穿錢眼斫楊頭忽爲婚媾  
忽仇讐錢塘解兵三拔死坐嘯  
江淮制千里何如一紙判官符  
禍在他年殿宮裏參軍怒  
詈蒼鶻嘯太阿倒授他人矣  
吁嗟乎悍兒方踣將軍笏雷  
塘終沈壯士骨請君莫望錢眼  
穿東海鯉魚飛上天



王鐵槍

生子當如李亞次老賊心驚楚無地壽張逆黨何物奴妄  
希一死留名字吁嗟永叔稱良史書法乖張乃如此賊爲  
賊死何足誇正似梟螻遭屠耳廉丹猶以赤眉誅何況唐  
非赤眉比乃知天道亦禍淫予奪未盡違人心君不見中  
都一戰賊臣死鬪雞小兒作天子

南昌送別所親歸楚

欲融不融滅上雪欲落不落江上月江上月皎如雪清秋  
已過月又圓可惜圓時照離別楚江天寒夢澤深楚山萬  
里何蕭森送君南向楚天去楚山楚水愁人心岳陽城外  
重湖繞湖中一點君山小山前叢竹淚斑斑怨魂吟向新

天曉君行聽此哀吟聲寫人十年羈旅情北山前約儻相  
待看余濯髮滄浪清

章門雨別吳博士 嵩樂

江淮經年客遊倦臨行始識吳侯面豫章西城一杯酒醉  
促秋燈把吟卷九疑聯縣風浪高楚天萬里心鬱陶見君  
狂歌喙三尺使我不復歸心勞愛君苦憾識君晚檜柏虛  
堂夜涼滿百篇新詩吟向人未覺前賢去人遠中天高插  
交昌臺公卿誰薦相如才生年四十髮半白草草衣食趨  
塵埃吁嗟乎丈夫胸中抱奇策但以詩名亦堪惜柰何局  
促塵泥中更以疏狂相詆斥秋風滿眼行路難別君且去  
歸舊山池時儻放瀟湘棹訪我石廩芙蓉開

袁州舟中寄次吳博士見贈韻兼簡張周徐三同事  
野人於世少酬接側聞海內誇君賢東來偶覩雪泥爪結  
此文字千秋緣男兒四十饑不死霜鬚如戟須誰憐致身  
無策當引去肯受百累相磨鏘醉搔短髮聊自笑虛名誤  
我非少年當時妄意取卿相至今姓字無能傳笑君閱世  
眼如電四海縞紵爭投前軒鴻舉鳳豈不足何爲獨取人  
所捐江樓遠目送歸鷺夜軒秋雨聽殘蟬不知此身若蓬  
斷但訝去日如梭穿勝君十倍君戲耳自注來詩中有倍  
才勝我當十倍語  
或許悌弟有相連自注僕少  
君一歲君知良會足可惜忍委夙約  
同雲煙自注僕却憶桂間有開  
田嘗與諸君約往耕之粵中山水我舊識中有箇  
古蒿萊田二三君子果相屬我當先道齋糧饋彼都人夫

如好客當爲拜請那君屨他年佳話錄耆舊定指廬舍誇  
神仙和君此詩已神往不覺歎思如湧泉詩成舉酒遙相  
酌知君心計當翻然更闌東望碧天遠寒江秋月隨歸船  
衡江逢陸子羽之江西賦別

衡山弄影清湖水一朵青煙沈水底江頭秋月送歸人盡  
夜舟行雁聲裏衡陽東行望廬山長江路繞長雲閒北風  
吹衣歲欲晏陸郎去矣何時還

法學士

式善

邀觀三以荷花返集詩龕

西涯相公  
故居也

留

題

萬甯橋西月橋北舊是茶陵相公宅先生家此今幾年人  
閒重識文章伯生平萬事等涕唾獨有詩書嗜成癖偶然

挂頰向馬曹一語回天人動色九門車馬如流波招我來  
看三汊荷三汊荷花美無度萬頃紅碧爭婆娑歸來靜掩  
西窗晚百紙須臾題和滿笑看墨雨灑淋浪時有蛟龍走  
蜿蜒吁嗟茶陵去此三百年西山墓草生寒煙當時已自  
困焦牧白注嘉靖間農人掘土露其前和何況滄桑經變遷君不見琉璃  
淮上冢世俗訛誤萬口沿知君用意良獨苦收葺殘毀期  
兼全白注梧門新刻文正年譜兼爲作墓記嗟余草草似行脚此行留滯甯  
非緣更欲從君訪遺迹借君洗眼菩提泉

曹虎子日本刀歌

朔方健兒身姓曹腰佩截玉青銅刀當筵解鞘出相示落  
手冰雪光動搖自言來自日本國當時價比黃金高家傳

此物三百載血人已計千百饒清秋霜月懸寂寥夜騰紫  
氣千重霄明河倒影入戶牖瘦蛟三尺翻秋濤天陰月黑  
鬼魂哭牀頭往往問腥臊自從大父西平妖至今把酒思  
臨洮心頭熱血向誰灑此生已分埋蓬蒿聞君此言三歎  
息使我心事增牢騷西南殺氣騰天器可憐羣盜多如毛  
眼前鼠兔不足辱請君持此誅賊豪

白鶴

白鶴白鶴來何方乃自崑崙炎山之曠野集君光明洞達  
之玉堂林泉清華風日麗樓閣磊落階除涼風前引吭時  
一唳知君賞我清音長中庭霜高秋夜永翛然峭立松陰  
旁不知何與僮僕事中宵彈弋潛見傷託君素心悅君意

此來甯爲稻與梁秋霄耿耿明銀潢水雲緜邈思故鄉

張明府大復桐陰點筆圖

海雲晝捲桐風起桐陰滿地如流水中有仙人冰雪容白  
日歌聲出宮徵張侯攜此來灤河風前脫袖三摩挲笑披  
古錦指塵跡此是少時安樂窠少時作計殊不惡天遣情  
懷放如鶴君看匠意極經營頗覺捫胸有邱壑自從誤墮  
塵網閒場中傀儡三十年拂衣徑揖長官去舊山知我囊  
無錢箕口隆隆掩牛斗過眼煙雲復何有逝將去此營菟  
裘不負當前一樽酒請君了此吟嘯緣似聞大尹知君賢  
朝廷方自急才用未可高臥燕臺前

北平試院聽松呈祝三兄太守

北平試院雙古松兩年見汝冰雪容升堂埽榻三日坐愛  
汝謾謾窗前風海門高寒朔氣動中宵起舞鞭虬龍初疑  
江湖夜湖滿倒瀉谿谷穿隄塘忽如萬馬蹴堅陣鼙鼓雜  
逕旌旗訶須臾急雨灑簷瓦半天瀑漚鳴淙淙山岳擺蕩  
天地震鬼神戰鬪雷霆雄衆山聲勢亦相倚萬竅響咎迷  
西東夜深側耳不復寐起對燭影搖殘紅心驚所託定何  
所此身似在蒼茫中曉來影定響亦寂兩株蒼玉撐晴空  
迴飈吹散夜來雨化爲十頃煙嵐濃兩廊晝敞秋日永諸  
生程藝聲隆隆舊遊檢點了無恙但有微徑蒼苔封我生  
漂泊落塵海浮萍備歷風波攻人間變幻有如此嗟爾閱  
世霜鬢翁午窗吟諷寄遙慨中天麗日懸瞳瞳



畿東喜雪呈祝觀察三兄

北風勁掃邊城沙  
天女躡雲來散花  
夜軒已覺曉色入  
披衣急起窺窗紗  
紛紛初兼積霰下  
片片自逐回颺斜  
深冬百卉零落盡  
忽訝庭樹攢霜葩  
蓬萊宮闕出縹渺  
珠樓粉堞森相遮  
天公莊嚴妙色相  
仙人羽葆隨雲車  
寒光落我牖戶裏  
使我神骨俱清華  
凜然如翮玉京地  
不敢咳唾輕歐哇  
燕山東來三百里  
羣峯宛轉如龍蛇  
一朝玉色失蒼翠  
放眼但覺天無涯  
人言瑞雪兆豐歲  
不須更祝蝗成蝦  
使君日夕念民事  
對此十倍歡情加  
畿東春事差較晚  
二麥入土纔萌芽  
明年客跡倘未去  
亦免米貴羈人嗟  
雲煙滿眼此吟望  
歲云暮矣山川賒  
誰言清貧百無有  
堆庭瓊

臥聊相誇不嫌措大裂風景更掃落蕊烹新茶詩成視公  
博一笑凍呵墨潛如塗鴉

青驄馬

青驄馬君勿馳殺君馬者路旁兒關河凝陰霜雪迫草枯  
泉乾日向夕問君持此欲安適生平心知猶兩歧何況紛  
紛輕薄兒交口譽君君不疑背骨弄君安得知君不見東  
野迴翔盡馬力一朝顛蹶爲人嗤

醉中讀史放歌

六國亡大賈之子王而皇六國立咸陽日夜東師急秦人  
不帝秦不亡秦軍不破漢不皇可憐英雄氣蓋世但爲豎  
子開封疆飛鳥盡良弓藏鄼侯何留侯良何必秦人方虎

狼一杯醉汝重瞳王惜君不見趙韓彭

鄧子立孝廉自登萊來都門出觀海圖相示問其遊  
日則庚午三月望後是時僕適出榆關循海吟望累  
日臨榆濱海西其東岸卽登萊遙遙相望如宿約然  
亦異數也賦長句紀之

鄧子別我去京國瞥然東向尋蓬瀛是時我方客幽薊觀  
海亦作榆關行東西相望幾千里同上絕嶠看鯢鯨春陰  
渺窅天地闊一水中斷燕齊青咄哉造物戲吾輩牽引使  
就窮鄉鳴人閒異事甯有此兩兩巧合如逢迎嗟余踽踽  
習行役惟有柳粟隨身輕天公豈亦念孤才遣君赴我煙  
波盟陽侯海若應顧笑此間岑寂難爲情何來世外兩狂

士隔海作此賡酬聲三山縹渺在何許但見滿眼雲濤傾  
神仙可求不可接千載島嶼空冥冥文成徐福君勿哂立  
談便致公與卿愚儒老死守蓬華正坐迂拙終無成笑君  
結習尚爾爾更倩畫手圖重溟半生風波亦已厭矧乃百  
谷喧騰并願君捲此三尺絹淨埽塵跡歸虛清

韓孝廉庾嶺看梅圖

美人飄墮天南雲庾嶺之梅天下聞看花例無冷官禁况  
乃客跡萍無根羨君春釭纏紅縷

白注韓君時  
就婚粵中

花時裘馬

來軒軒雲階月地此吟覽巒煙蠻雨皆清溫輕風乍起木  
棉谷微徑遠出枕棚原山亭野帟掩寒嶂斷橋流水臨孤  
村誰歟畫手作此幅生綃簇簇蛟胎紋疏林橫斜倚絕壑

老幹俱作冰霜痕粵中憶我六年住五管林麓窮攀援澄  
江之館博羅洞羸馬踏雪行黃昏當時意興頗不惡儕輩  
亦似紉枚羣邇來十載不歸去舊遊檢點知誰存披君此  
圖獨神往拂面已覺霜華翻春光如此不省錄人閒糾累  
何紛紛

鶯囀曲

隔院鶯囀一聲曉一點黃金挂林杪美人倚枕東窗清夢  
迴聽此閒關聲江南景物又春暮不知何處漁陽城東風  
浩浩花如雲不信人間南北分倩汝天涯寄幽怨此聲腸  
斷君應聞

慶中丞保山居春曉圖

玉河風煖朝初噉黃鸝三請窺春園  
蠅細徑轉平麓中有謝傅城南墩  
先生廣廈庇萬里下指海徼鞋爲藩  
誰言揮斥八絃手戀此十畝藤蘿垣  
溪山檢點出毫末粉本妙入荆關門  
青楊之脊白楊妥閭里近接炊煙昏  
乃知至人寄物外出處不以形骸論  
簪纓豈必異寒素跡所偶涉非心存  
東廳鷗尾高嶸嶸九重已著新巢痕  
待公功成訪黃石會有虎魄生松根

再題慶中丞泛月理琴小幅

空江冥冥生古秋寒潭散影如雲浮  
夜涼瑤琴發清弄數聲遠出滄浪舟  
微風泠泠天在水雲之君分渺千里  
洞庭濯足望八荒興在清湘雁聲裏  
素波橫天霜露寒西林月

斜更欲闌蒼生相待景風起請君更舉師文彈

高少府爲慶中丞作鳧音圖梅花風雪中衫笠騎驢  
二章挈琴酒隨後蓋湖洞伊人意也

化人不著聲塵相偶出邱園薛蘿狀風衫雨笠試清吟詩  
在溪橋驢背上梅花雪後開滿林巖谷冬來淨無障伊人  
相憶又經時惆悵衡門掩孤嶂道狃爭訝使君出不見高  
牙捲如浪豈知風流老羊傅但有琴樽作供張樽中綠酒  
琥珀濃琴上清絃水雲漾芳時難得賞心同會歸荷蓑展  
臨望高侯山水擅家法迢遞川原寫平曠人聞此境在何  
許令我江視忽神王笑看遊騎去悠悠已覺春陽生盎盎  
來朝更待山櫻紅幽徑不嫌重一訪

疊綵山風洞之左故有小閣爲遊人消夏地中丞慶  
公題之曰景風招同敬之比部及方伯廉訪觀察諸  
公讌集公賦

炎官南宅鵝尾躔炎州之炎古所傳豈知天假避炎地結  
北塵外清涼綠使君風流見採掇衆中謬許公孫賢桐花  
濛濛北城路細馬鬣影搖連錢是時三月雨初歇曉氣未  
暍溪山妍東風吹我上危磴但覺襟袖皆雲煙齊雲亭上  
一樽酒清江繞出迴欄前衆峯倒影入明鏡春粧都作青  
鬢鮮惜哉濁士不聞道窮年矻矻窺陳編江山如此不仙  
去坐使髮白烏巢肩我聞此山古洞口舊與馬楚亭臺連  
至今居人奉王號謂是拜爵開平年

自注洞前卽馬氏建  
臺舊址居人稱馬王



臺蓋朱梁封  
冊後事云  
朱三芒碭一賊耳乃擅列辟封拜權當時吳  
蜀各移檄殷聲父子何恬然書生感慨動引古未免塊礧  
胸中駢紛紛人事一笑耳何異蝸角爭腥涎斜陽萬里下  
喬木遙天暝色催歸鞭尚思長夏一來過道人爲我畱餘  
椽

題暢齋郎中所畫黃馬

房精老攝秋金氣一朵黃雲驚墮地  
頗黎天遠朔風高眞  
龍怒蹴崩濤出長白即官眞偉人落筆已得張韓神天然  
妙質出塵表位置骨肉皆停勻風前長身立龍從細看忽  
覺連錢動度險端須不世才人閒始識驂驪重吾聞良材  
待竭牧食兼眾駒未云足芝田仙草不可期豈得養無一

珠粟君不見，驛車迢迢上太行。驥子翹首思孫陽，願君考  
圖自珍惜，他時入極看騰驤。

九日方伯廉訪諸公招陪慶中丞讌集景風閣分韻  
得菊字

馬玉臺畔林間屋，百度看山看不足。流年惆悵似頽波，纔  
過春花又秋菊。天高風清霜氣肅，一抹平川展遙矚。峯巒  
蒼黛出秋容，化作蒼黃萬盤玉。使君對酒興清發，落筆新  
詞動盈幅。君看麴句寫雲煙，已覺深情在淥澗。山人自來  
癖山水，何況招邀煩屢辱。一年佳節是重陽，幾處各山引  
遊躡。故園景物定何似，想見西風滿松竹。寄聲爲謝東鄰  
翁，早晚歸來酒應熟。

葉中丞松楹讀書圖

長廊晝敞高窗明窗前老幹虬龍橫公庭衙罷人吏散一  
 編坐對松風清讀書不作趙則平大言欺世終非誠又不  
 願為孟東野溧陽作尉空存名生平所學果何事當止而  
 止行而行以今證古豈異則得失未爽錙銖衡乃知賢達  
 意深遠素履不以出處更寸心正有千古在詩書之澤溫  
 而貞吾儕小人粗識字差與野老論虧羸湘西亦有傲廬  
 狂歸與好讀農桑經

曉度界嶺

谿迴林深霜氣清羣鴉驚唳天欲明征人蒼黃逐徒侶  
 脚亂踏榛菅行須臾日出煙霧散始見山徑一綫如蛇紫

上凌高天下至地屹然絕壁撐孤青坑渠四繞不可以注  
視咫尺已作千丈傾乃知履險不自覺幾委性命鴻毛輕  
吁嗟人生舉足有憂患慎勿肆志投冥冥

舟行望梅口諸山

寒流沿巖西復東扁舟出沒煙蘿叢溪山四轉雲木合雖  
有去路知何從我來已歷萬山險而此尤覺體勢雄一山  
未盡一山出滿眼變幻煙嵐濃岡巒絳巨不可辨但見青  
蒼一氣相溟濛我知道物有深意非獨險峭誇神工瘴鄉  
文物頗岑寂別假藻飾難爲功判將物外數百里插此千  
疊青芙蓉客行涉此亦偶爾未能便學東園翁蓬窗日永  
作酬對一杯聊瀉蒼茫胸孤村傍晚風亦靜迴坡影落澄

潭中醉窺潭影忽大笑青山照我衰顏紅舟人相顧竊指  
似客今醉矣樽罍空先生倚枕默不應臥看華月生東峯

謝鄧子振茂才惠茶兼寄令弟子立

扶陽古徑苔封壁千歲凝雲鍊寒夜火前風雨一聲雷始  
見春旗一痕碧鄧侯於我情獨親致此十斛霜輪困開函  
領取色香味但覺舌本餘雋經旬新自從茗飲遍中國紛  
紛蜀閩人愛惜誰憐尤物阻荒隅獨出羣材世無識竹窗  
五月南風涼一甌綠乳搖晴光遙憶君家好昆季正似此  
味清而長寫詩與君聊一戲兼煩寄語長頭弟我無權俸  
可鑽營待君偕來解晨醉

鄧庭維先生松堂讀書圖爲哲孫子振子立賦

潁東鄧子吾同里廿載追隨若昆季兩家相映潁水居中  
隔一牛鳴地耳君家大父松堂翁閭里爭傳翁愛松至今  
先生讀書處時有虎晚藏蒙茸我來訪翁林下宅不復歌  
聲聽金石森然對此孫枝青想見老松冰雪格羨君世德  
如松風百年三代清聲同此詩此卷好珍惜君不見豪家  
苑落生秋蓬

君不見四首

君不見府中赫赫朱邱伯豪奴坐門頤使客當時趨事誰  
最賢江淮弟子身手全華燈晏罷照歸路珠衫一抹胭脂  
鮮

君不見嬰兒縮頸怯狐鬼眼見鬼符驚欲死千金易餅渠

豈知平時雄烏今變雌吁嗟男兒不自惜當時可笑鬻如  
戟

君不見梁溪妖魚作人形手足僅全雙眼暝邯鄲瞽婦失  
馴養公然白日吹風腥可憐老僮錯膾汝俞兒識味真虛  
語

君不見海濱蒙子髮覆肩一朝躡雲飛上天居人奔走汗  
相屬俱言奉佛今得仙船頭珠兒汝勿哭汝當拜佛往求  
福

中秋夕送子振還山

千門洶洶笙歌發一夜遊人滿城闕挽袖留君君不齒欲  
去西山坐明月城中亦有明月光君言城居不及鄉通得

鐳火關不徹何似山中一色皆清涼我家去城纔十里全家卻在煙蘿裏今宵見月月應曠曠我來歸自城市紛紛酒食招邀頻君等真是城中人村居那復解辦此亦恐喧舞驚鄉鄰知君此意畱難住我亦心懷水西路回頭笑謝陳孟公還君明月偕君去

西家兒

金縷盤雲著雙鳥官樣紫藤高一尺人前楚楚君勿輕胸有梁園四十八門冊沙塵浩浩桑乾河可憐汗雨傾滂沱問君走馬亦何事來應不求聞達科昨夜傳呼閭巷遍云是西家兒子新獲選阿婆歡舞躑破襪賀者喧騰觀者羨東鄰老翁三歎咨見汝少時哢棗黎公家了事但須此何



賴屹屹窮年爲

月夕對酒放歌二首

今夕何夕月在牖且喜當前一罇酒桐風刺耳作驚鳴始  
覺秋聲滿林藪去年送秋夫今年又秋來年年秋復秋容  
鬢日見摧容鬢摧君莫借人生百年亦易盡何況生年難  
滿百棄我去者前日之日不可留爲我來者後日之日不  
可識造物投汝閒散場便合冥心求自適柰何對酒不盡  
歡長日勞勞爲誰役

大鵬搏風九萬里下睨蓬瀛一杯水下士聞道大笑之人  
世茫茫安有此而足躡蹠而言徐而髭鬢好腰腹腴峯頭  
一帖司祿字從此可廢詩與書先生獨飲默自喟野夫那

復與人事雷霆靜聽吾不聞風月可憐君且醉君不見江  
東步兵張季鷹縱任不知身後名又不見人中高識蘇門  
子長嘯聲如鳳鸞起

莫言牛無知一首贈郎少府

莫言牛無知牛亦知有屠屠者利我肉但欲殺我軀莫言  
牛無知牛復知有官官有恤我仁兼有庇我權官衙與屠  
肆相去路里餘屠者繫牛方就屠忽然脫繫狂而趨不投  
前屢不民居畜身徑入官衙呼聲達官聽官曰吁此黷觶  
者伊何辜偵察尚欲周里閻矧此目接悲酸與牛汝來前  
汝勿虞余了汝事無汝痛立呼伍伯懲悍徒以牛付牧歸  
之墟畀以牧主飽以芻縱有善價矢弗沽邦人傳觀喧四

衢相於嘖嘖驚歎俱生平斥牛犢且愚乃能愬官免其劄  
牛兮牛兮解人意爾亦知官非暴吏吁嗟乎畫堂白晝懸  
霜戈官而屠者知幾何

題靜安學博三分水二分竹一分屋圖

居不可無水亦不可無竹五分水竹一分居水竹有餘居  
亦足池水周屋前修竹繞屋後水波竹影交動搖四面清  
光落窗牖先生坐嘯水竹間碧玻璃漾青瑯玕不知人間  
幾甲子但見年年穉筍成竹池生瀾人生鼎鼎百年內白  
頭未了風塵債始知此事天所慳知者不能能者昧笑君  
囊中無一錢措大幻想絕可憐一官零落寄傳舍夜來屋  
漏無處眠雖然此願終當償去歲君於事無奢望風月止

值四萬錢豈淺者不余貺請君作計毋逡巡吾儕豈必  
終窶貧從來有志竟成事前言戲耳君勿瞋

題李慕韓上舍小松山房圖兼寄令弟清吾時僕有  
遷粵卜鄰之意先之以此詩

老松古色冰霜縈小松亦作虬龍形固知敬倫有家法丹  
穴之羽無凡聲當時我棹桂江水八年吟對松風清至今  
夢寐識遊處時到湖上東西亭聞君移宅秀峯下舊痕已  
埽堆書楹新居縱有成竹在未免形勢殊畦町豈知城陰  
數畝地開門仍見西山青青琅之館紫藤屋指點廊榭吾  
能名年來齷齪墮塵障舊侶散亂如風萍正思閭巷接二  
仲評弄風月終餘生請君爲我卜佳處我欲近傍松巖耕

寄聲爲致季方弟

自注謂清吾

旦晚來聽松濤鳴

聽叔立彈琴有懷靜安學博

我心如白雲舒卷無定在君琴若流水冷泠瀉清快君琴  
寫君心能使我心愉知君生平心與我心不殊我心定何  
寄不道枯桐解人意五湖懸巨蒼梧深水雲滉蕩天無際  
中庭暑退秋始涼一彈再彈神意揚蕭然庭樹作微響颯  
然山雨來虛廊天門光景倏明晦百靈翺珮鳴鏗鏘盎然  
坐我燕谷暖忽復置我空林霜惜我非賞音無由悉其詳  
我友張子才且良談琴說詩兩無當簡書昨催去瀟湘湘  
門迢迢望歸航計期當及秋花黃請子且勿彈蘭子待重  
陽茱萸斗酒吾可辦看君相對調宮商

題譚郡伯鐵簫詩集後

仙人手中尺入鐵壯響堅光世無匹酸飈秋捲海濤鳴老  
龍夜吹巖石裂珠林仙籟寒自韻太華宵鐘遠逾激健兒  
怒逐霹靂飛烈士狂敲唾壺缺旁觀莫作詩人看此是吾  
鄉萬家佛英雄心事兒女情清淨肝腸廣長舌我持此卷  
三日吟齒牙似有冰雪侵人閒箏笛知幾輩紛紛里巷翻  
聲淫乃知此事有真契醞釀更賴江山深燕齊楚蜀半寰  
宇想見民物關心請公布指試三弄字字應鏗金石音  
他時景風徧川嶽此鐵便當師文琴

題鄧子立南村耦耕圖

東坡欲歸坐無田江神見怪方憮然君今此事幸早計居

然百畝聯陌阡人生稱意定何日如行知倦當息肩無田  
不退以貪論而况有田仍屢延君家阿兄古心性不望季  
子腰盈纏室中萊婦亦知道安貧久已捐丹鉛男兒欲了  
卽自了買山誰給巢由錢頭顯如此可知矣何庸更問蒼  
蒼天我亦有田在袁渴自注僕有田在袁莊佃人皆袁姓故借用柳記云與君畦  
隴遙相連南邨路繞北邨出一溪中貫千迴旋他時老僮  
荷蓑笠偕君昆弟緣溪前春泥滅膝曉叱犢暝蹊踏雨寒  
疏泉殿苔祝虎四丁具亞旅主伯三耜全九華之陰栢林  
道紛紛追逐歌呼顛人閒此樂豈易得正恐造物界汝汝  
自捐迄今爲計殊尙善慎勿顧望期他年

沈湘耆舊集卷第一百三十終

沅湘耆舊集卷第三十一

新化鄧顯鶴湘臯編輯

湘陰左宗植仲基校訂

礪東詩老歐陽輅

今體詩二百九首

雨行上湘道中

天際暮雲重雨中行跡稀亂山隨客遠黃葉趁人飛身世  
已如此風塵安所歸蕭條嗟曠野吾道豈終非

澧中元日憶諸兄弟

客裏都忘歲天涯又及春雁鴻徒悵望兄弟各清貧夢遠  
黃山路雪深白馬津自憐何意緒猶試綵盤辛

雪夜訪陸山人居



沙洲遺集 卷之三十一  
言訪幽人室遠窮巖下林松篁三徑晚風雪一鐙深酒熱  
能留客歌成試倚琴翛然對吟嘯誰識此時心

邵陵別友人

積水白沙浦遠山黃葉林罇酒此閒別風波何處尋老鶴  
九秋氣征夫千里心落日一迴首暮雲深復深

邵陵別李伯裕

別爾去澗水蕭條秋氣深萬山環舊縣一徑出疏林江漢  
烽煙滿冰霜歲月侵莫言離索意無復丈夫心

旅宿勸季美酒

凜凜歲時易茫茫羈思盈一年強半病萬里尙孤征山驛  
凍無路冰河咽有聲問君今夕酒不飲若爲情

詠梅示園雙

大地莽蕭瑟小園梅獨開  
靜無蜂蝶鬧清豈雪霜摧  
攜酒時孤往憑欄應百回  
東郊亭畔路好爲埽莓苔

哭同後別駕殉難

慷慨丈夫志殺身良所安  
一生心不死萬古血猶丹  
墓有烏蠻哭屍無馬革完  
楚黔相望遠風雨夜漫漫

書敬之郎中韋廬集後

仙人把玉節翛然發清吟  
神骨冰雪淨襟懷山水深  
元宍有真籟古絃無促音  
千載訟得失定誰知此心

桂林道中

言歸邵州去驅馬桂林東  
秋色慘如雨霜林寒更風  
鄉關

千里外歸路萬山中日暮望平楚飄飄隨轉蓬

衡陽舟中

渺渺湘衡路秋深客遠行暮潮雙槳急斜日半江明湖海  
心原壯波濤氣不平夜來吟眺處風露浩縱橫

北上泊洞庭聞雁

寂寂山城晚遙天一雁過重尋京國夢又值洞庭波佳節  
中秋近新涼昨夜多憐君更南去長路替關河

澗口

去國忽千里浮雲瑣屢更天時方肅殺客跡轉縱橫霜月  
一川影秋風萬壑聲蒼茫此時意誰爲卜屯亨

除夕

燈火闌九陌笙歌喧四鄰人閒有今夕天涯遺此身濁酒  
漫思醉酸腸空自呻來朝理冠珮猶復逐車塵

借渠湛茂才傅德謙拔萃曉出榆關望海

初日上瀛海煙波天際高遙蟠百靈出忽捲萬山號宇宙  
渺無極蛟螭空自豪老夫乘興發欲作趁風翱

識東重陽次日遣興

十載巖東住黃花節又過酒懷緣病減歸夢是秋多遼海  
重邊地風煙萬里波長途漸冰雪客意待如何

東軒夜坐

汎埽東軒坐蕭然夜氣清秋聲喧衆壑月色上連岑松竹  
吾廬友風雲老鶴心誰憐無限意虛付短長吟

次韻敬之郎中湖西山莊二首

村市曲復曲野園西更西竹閒微有徑煙際遠聞雞詩酒  
娛朋舊江山入品題遲余婚嫁畢終伴鹿門棲  
達士有嘉尚入山甯厭深鑿池新得雨種竹漸成林遠戍  
一聲柝層雲萬里陰君看江郭暝飛鳥亦歸岑

過道聘宿話舊

朋好半淪替關山况阻修晤言如昨日悵別已千秋風雨  
舊廬在邱原宿草稠何須話桑海始悟歲時遒

醉起

醉起步幽徑西園春色輝好花扶檻立嬌鳥近人飛素侶  
無多在青山憾晚歸疏慵誰過問不用掩荆扉

池上

山中始秋節池上已涼生  
蘿月不可歸松風相與清  
散懷幽徑熟隨意素琴橫  
始信林泉侶非高石隱名

野步

山居忘畛域野步任西東  
薄暑不成雨空林時自風  
埽苔延逸叟倚杖憩芳叢  
相對兩俱適何勞名姓通

夜坐望西巖二首

西巖夜色好已覺炎氛空  
遠樹初上月小樓微有風  
簾俯青沼把酒吟晚叢  
一笑語兒輩若甯知乃翁

坐來夜向盡秋氣侵人多  
白露溼庭草疏星沈曉河  
客徒亦已去幽夢誰能叱  
何怪沈冥士窮年甘澗阿

江村

邈迤平沙盡江村灣復灣  
蟬聲煙際樹秋色雨餘山分已  
身名寂心判鹿豕頭終應挈家室  
移就水雲閒

過繼之舊居

夕陽下遙渚萬象倏已沈  
楓荻露華滿瀟湘秋氣深  
美人隔煙水遺跡成古今  
獨夜此凝望槍懷聊一吟

山寺夜雨

山寺靜無暑良宵此凭欄  
忽驚簷雨急始覺客衣單  
詩酒閒從社魚蝦偶得餐  
吾生隨分足容易卽追歡

敬之郎中寄示季書遺集屬定感書其後二首

京國憐分手迢迢十五春  
豈知成死別無復奉音塵  
海內

論同志吾儕尙幾人可堪把吟卷猶對墨痕新  
北塞風塵地憐君萬里行一官仍畫餅數口尙呼庚余亦  
垂衰老誰猶問死生論交兼感舊不盡淚縱橫

雨夕

庭雨止還作山人吟未休一盞寒照影四壁靜生秋老氣  
仍能橫低心可自由蕭然擁衾坐長夜浩悠悠

廢寺

山月闌無色溪風寒自墮薛蘿秋入戶魍魎夜窺門空石  
殘碑在難從積蘚捫嚴宵成獨坐時復一驚魂

官橋柳

嫋嫋官橋柳風情漫自多可憐攀折苦直柰別離何山路



僻仍雨溪流寒尚波不須悲日暮生意儘婆娑

宿南陂

洞門雲氣掩餘暉風葉蕭蕭亂打扉  
破屋夜涼知雨過空林鴉噪有僧歸  
苦淹人事真無那便息交游未覺非  
寂寂南亭山色裏臥聽清梵欲忘機

送高德醇之漢南

瘦馬立風鞭在手亂沙捲地月當頭  
十年一劔漢南去萬里五溪天外流  
遠樹影沈知向曉斷鴻聲杳不禁秋  
愁君明日清湘道山徑漫漫雪打裘

和仲玉

鈿千彎環壓綺櫺憑欄幾處笑歌同  
新翻白雪傾黃篋更

促冰絃理鳳桐。緜月年。窺珠箔冷亂花微倚。畫樓紅玉雲  
深駐。游仙跡。一夜丹綃溼露叢。

寄答仲玉效義山

雲母懸燈蠟炬紅。碧虛樓閣望冥濛。香闌風瀉重霄露。繡  
馬驕嘶午夜風。可奈影迷珠錯落。莫猜聲斷玉瓏璁。生憐  
一片秋葵錦。暮向西階曉向東。

湘樓贈周浦舍人

湘門煙月洞庭舟。三載情懷此滯留。眼底蜩蛇經幾變。天  
涯風露又新秋。心芒醉起蟠蒿華。劍氣宵寒澈斗牛。不道  
生平湖海意。許分吟榻坐江樓。

過繼之宿二首

閒隨鷗鷺出郊坵憶爾桃花溪上亭小徑恰能容騎入嗚  
泉好是隔林聽頻迴馬首窺巖麓想得松根長茯苓一笑  
故人雙雪鬢十年相見眼終青

溪北溪南兩玉屏雨餘嵐氣倍青青但教山色終年好何  
礙柴扉盡日扃竹瓦小樓延午話石牀殘暑坐風櫺酒闌  
笑索林閒味知有園蔬萬箇釘

蘭江驛中送君素入蜀

湘雲迴首路漫漫客裏逢君歲又殘故國秋期違伏枕他  
鄉夜雨暫憑欄沙沈鐵角孤城在苔臥金牛戰骨寒聞道  
蜀中山色好天涯寥落且頻看

早行送人往北

野外宵寒客跡稀  
天河影落曙光微  
怯霜病馬嘶風立  
失路賓鴻背月飛  
想到巴陵應歲逼  
更過樊口定春歸  
關山相望蕭條極  
念爾殘纒百結衣

湘口舟中雨後

天際雲開晚乍晴  
江干吟望倍神傾  
山含雨氣青迷眼  
水漲春痕綠近城  
送老林巒原有約  
伴人鷗鷺亦多情  
來朝欲倚喬陽棹  
更上芙蓉嶺背行

過鄧子玉留題西溪草堂二首

此生眞作斷蓬游  
不到西溪近五秋  
記汝童時細腰鼓  
慙余別後敝貂裘  
暮林杳杳寒光入  
平渚昏昏水氣浮  
誰道蕭條村步裏  
曾經三駐郭翻舟

重來又得越旬留，問訊親知半白頭。  
去國人如秋後雁，思歸夢狎海邊鷗。  
餘年忍付蒸沙劫，老境應煩借箸籌。  
相對寒鐙忘夜永，坐看殘月上西樓。

書德醇郢中雜吟後

陵谷仍看劫土存，郢中往事莫重論。  
春風不到湘纍冢，夜月空嗟杜宇魂。  
喬木百年知舊國，遺民終古怨王孫。  
憐君無限興亡感，一夕狂吟累萬言。

衛源驛曉發書事

衛源朝雨淨塵氛，喜見林梢曉色分。  
天際黃縈河曲水，日閒青擁太行雲。  
荒臺共說孫登躡，廢壘猶銘尚父勳。  
自笑頻年困鞍馬，卻尋遺蹟倍欣欣。

北歸宿淮安驛同賀九聽彈琵琶

華燭高燒照綺筵  
淮安山驛且停鞭  
畱人日暮廉纖雨  
勸客鐙前拉雜絃  
湖上鶯聲愁刺史  
江南花節感龜年  
濱湘歸路俱千里  
聽唱新歌倍惘然

次韻蕭立弔史閣部

中原事已不堪論  
休道江東半壁存  
倦眼更誰憐北固  
外蛇猶自鬪南門  
星河正氣文丞相  
天地狂跳古陸渾  
千載悲涼家國憾  
一抔寒土伴祇園

登岳州城北望作

迢遙幽徑上林顛  
回首荆門一惘然  
江漢有情終注海  
兵戈何事更經年  
頗聞閭巷思羊祜  
見說奸豪懾董宣  
日暮

鄉關獨凝望罪言無補漫流連

長沙道中得玉墀凶問寄唁仲端兄弟

故館依然近釣磯此行眞悔計全非飄零骨肉三年別生

死音書萬里違舊好誰猶憐北叟

自注在叻幼子名北叟時玉墀幼子甫五齡耳

重來我亦似丁威停驂坐對秋郊晚幽淚縱橫落滿衣

寄答世滋

鎮日狂吟獨閉關誰憐憔悴鬢毛斑姓名不落公卿裏身

世眞投醉夢閒元伯經年成死別

自注謂蘭柴翁虞翻終古未生

還自注謂白湘沅沙老人千載埋冤地老眼甯勝涕淚潛

吳益臣過訪因哭其尊人季同先生

五載相從白馬坡死生睽隔憾如何誰讓鄭老辰年夢忍

聽秋魂子夜歌終畝莫忘先德在隻雞真愧墓門過因君  
更彌無窮感休道唐衢涕淚多

宿鄒氏山館示道聘

僻館臨江舊不遙別來景物轉清寥驚心歲月同朝菌憶  
見松筠出短苗茗菴藥鑪風滿座秋鐙寒雨話連宵鄒陽  
詞賦知無敵看瀉滄溟萬里潮

新寧獅蹲閣同道聘話舊

征衣初掃薊門塵又向江亭話夙因十五年來一迴首三  
千里外獨歸身絕憐猿鳥知迎客卻怕雲山解笑人相對  
西林仙掌路暮煙秋浪浩無垠

秋夜徐氏菜圃對酒

无相蓄蓄表

卷第百三十一

七



東原幽復背山城廢圃蕭蕭屋幾楹且就園官吟馬齒可  
能歸思爲尊羹寒溪繞檻濤聲滿老蔓沿堦露氣清野外  
料應無禁令不勞門吏報初更

病臥不寐書感

紛紛塵芥埽難平伏枕時爲蚓竅聲往事眞鎔六州錯初  
心空抱十年貞何緣困阨仍相忌直爲疏狂浪得名自晒  
牛衣裹羸骨舊刀猶作匣中鳴

秋夜憶賀氏吟秋亭別墅寄賁琳

自去湘水夏南適十年不到吟秋亭此身泛泛在遠道吾  
輩寥寥如曉星想得蓼塘三面綠應添隄竹萬竿青何時  
一舸徑歸去坐汝屋山背石屏

病中雨夜憮然有歸思示道聘

九十春光半已傾  
山城氣候屢陰晴  
自憐病向愁中劇  
時覺寒從暖後生  
千里烽煙懷舊國

自注時兩湖方用兵百年心事對

孤檠天涯悵望歸  
何日莫怪頻頻睡夢驚

劇席酌友人酒

相逢且復破愁懷  
盡此花前酒一杯  
吾輩長貧豈天意  
古來難合是仙才  
舞看白鶴輕驅起  
歌聽紅牙急板催  
斜日樓鴉對惆悵  
可能無語送春迴

猗口留羅介秀才小飲話別

經年客跡滯京圻  
舊侶重尋事已非  
楚道君應迴北駕  
秋風余亦欲東歸  
荒村寂寂行人少  
滿眼瀟瀟落葉飛  
一瞬

天涯成聚散可能相就解征衣

滯風泊潭城

南舟無那北風豪繞郭旂檣擁萬艘  
洲渚夜喧江雨急魚龍秋捲浪花高  
亦知賦命原輕險豈爲求羸合就聽  
西鄰歌舞客更闌猶自鼓嘈嘈

松山北庵宿雨後江隄遺興

分流溪水自西東水際楓林爛漫紅  
背嶺一庵容我拙過江千嶂有天工  
雷聲度峽收殘雨日氣穿雲作晚虹  
更掃北窗留信宿夜欄憑對荻花風

晚登橫州城望

落葉聲中日又殘  
荒城清夜此憑欄  
九秋星斗盤空大萬

整風濤捲地寒了了鄉音知雁戶自注粵中大半濛濛山皆吾楚徙居者色是珠官盧敖漫自貪奇勝未覺人閒入極寬

南寧道中恭值先子辰日寄伯氏

州門樽酒暫離羣不道經年雁影分閭巷又驚喧臘鼓蕭  
萊誰爲剪秋墳黯魂夜永烏巒路望眼朝昏桂嶺雲心愴  
秀楓溪畔土近來新鬼更紛紛

重呈祝三兄太守

浮梗南來滿鬢塵又舒歌嘯此經旬閒窺殘劫分秋玉醉  
續新詩詠清蘋湘館十年寒榻夢梅花三度異鄉春人閒  
逐逐眞何事可笑昂藏七尺身

柳州道中

楚雲南望獨宵征天際悠悠指去程千點亂山縈象驛一  
痕殘雨下龍城寒林照眼知秋氣遠瀑盤空作怒聲自笑  
蒼黃埃霧裏據鞍詩思尚縱橫

次韻謝中丞早春見寄

落手詞源萬斛飛虛堂吟罷吏人稀風生畫閣傳鈴響露  
透花闌上壁衣嶺外依公三載住日邊記我十年歸深慙  
學作司空語吶吶雌聲自覺非

重過紅鶴庵題壁

映水苔扉百尺懸雲巒煙樹遠鉤聯驚心桑下曾三宿彈  
指天南又幾年山色青憐春雨後江聲寒落酒罇前他時  
重過楓門路可許經臺續舊緣

次韻敬之郎中招同諸同人壺山看桃花因感謝中

次舊遊二首

經年不歸壺山徑又趁東風載酒來  
春雨小淹三日約桃花恰  
到五分開粘枝亂蝶迎人起  
鏡影驚禽作意猜惆悵  
臨江西去路曾歛銅斗坐莓苔

東山絲竹委荒邱欲酌吟魂弔九幽  
擾擾磨牛重踐迹茫茫  
茫人海一迴頭虛誇身後風流在  
且盡樽前爛漫酬獨有  
多情韋刺史自注敬之學韋詩  
自號韋廬主人宵裁新句紀同遊

零陵曉發別家仲可

祁門高樹上朝曦羸馬衝寒度九疑  
故國秋風憐雁影天涯  
芳草憶歸期自注曾致書家兄云  
以詩寄弟今大老矣飄零惜爾經年別潦

倒慙余兩鬢衰笑指春陵前去路不應鄉夢尚參差

洞庭舟次遇李十二同登岳陽樓

北海王孫老倦遊江干偶趁郭翻舟三年塵事乖攜手干  
里歸心共倚樓衡嶽曉雲連地捲洞庭秋浪載天浮滄溟  
自是人閒路側眼風波奈白頭

宛洛道中作

林表晴雲百道開高原凝望氣佳哉河流遠抱秦關出野  
色遙紫楚甸來故里豔稱銅馬帝寒花秋上蓼王臺驚心  
宛洛豪華地落日青山首重迴

湯陰書感

杭台殘劫了無成更遣鴉鷗恣意鳴真見夫差忘死父可

隣道濟是長城雲山不變輪囷氣滄海難消哽咽聲卻笑  
老儒阿素好尚排公論作疵評

盧龍道中

畿東形勝野平州有客來爲汗漫遊終古雲煙迷海氣一  
天風雪擁邊樓關山未改燕遼舊鞍馬頻驚歲月周莫指  
遺蹤誇射虎漢家飛將不封侯

菊山和胡近思

沿階藤蔓小除刪愛此幽芳疊作山入骨自饒霜鬣破  
苔初露錦斑斑夢迴別苑西風裏秋在疏籬細雨閒惆悵  
吾廬何處是不堪三徑已榛菅

過思陵



彼狡何人肇禍源休將殘局咎神孫漢家十世真奇厄蜀  
帝千年有怨魂下苑草深春晚晚長林風起月黃昏愚生  
忍話輿上事聊爲君王拜寢門

九日寄懷周素夫運判時濱東有滑亂周方在東省  
長春祠畔老莓苔佳節年年此坐來舊侶半隨秋雨散黃  
花猶傍短籬開關山幾處經戎馬義勇何人出草萊眼底  
分明青兗路好書聞見寄燕臺

次韻葉七九日見招登盧龍北城山

頻年塵事阻吟鞭得少迴翔亦夙緣况尋故人投繡錯更  
逢佳節對林泉霜風怒捲殘秋雨海氣晴衝半壁天無限  
生平臨眺意不堪雙鬢雪聯翩

寄晏幼瑰孝廉

京華三載共萍蓬去路悠悠更向東  
午夜夢迴秋塞外一天霜在雁聲中  
紛紛蟻蚋知何事蹙蹙塵泥誤乃公  
爲報居鄰羊仲道故園松竹又西風

歸白都門旅宿書感

十年京國紙生毛霜雪紛紛上鬢毫  
已辦歸營江上宅料應春長徑前蒿  
愁中客路兼天迴夜半河聲挾雨豪  
惆悵晨雞又催曙薊門迢遞海雲高

自岳赴常德道中作

不厭深循澤國行望中鄉邑眼逾明  
人煙遠近金沙路風雨黃昏漢壽城  
斑竹千年留憾血寒濤終古咽幽聲  
湘沅

舊是經由地幾度悲歌意未平

北歸後將復粵游夜坐賦此自調

久客仍歸舊草堂東軒遙夜此吟望菟裘欲老終何日鬢  
鬢無情半已霜穴裏王侯真夢幻胸中湖海漫蒼茫秋來  
更作南行計可笑浮生爲底忙

桂林呈祝三兄廉訪

南北從公十六年塵中客跡轉茫然豈知隔歲燕臺別又  
續今秋桂海緣霜月金盃聯軟語松風湯鼎試新泉山農  
甚有歸田願悵望星輶近楚天

留題敬之郎中湖上山莊

憑欄無數青山好在湖波激濺中盡日煙嵐自來去多

情魚鳥亦玲瓏長廊午寂聽松雨小閣新涼坐竹風珍重  
主人留客意不應歸騎便恚恚

席閒賦送慶佑之制軍入覲二首

九陌輕塵映日紅朝

天旌旆去恚恚江山舊履兼黔

粵綸綽新恩許會同東土終歸裴相國北門聊借寇  
萊公蒼生正有無窮望早晚星輶近渚宮

三年幕府奉清吟客路翻忘歲月深蘭榭有花春對酒竹  
窗微雨夜聽琴相如空負凌雲氣郭瑀原無用世心若到  
京華憐白屋自慚蓬髮不堪簪

興安旅宿

湘山粵水路千盤晚向江亭暫解鞍投老尙循陳跡旋歸

途差覺客心歡松杉浩浩秋聲急星斗沈沈暮影寒白竺  
生平湖海意年來遊興亦闌珊

西園

手栽桃李近成行僻墅春深引興長看展濃陰迎曉日恰  
分新綠掩迴塘蝸牛終見枯粘壁螺贏何知醉有鄉從此  
眞成歸老計向來荆棘莫相妨

理竹木自遣

臨水一廡雙掩扉森然竹木蒼四圍蠟雲挂枝不肯去獨  
鶴穿陰時自歸擬作迴欄出前圃更疏幽徑上遙磯此生  
久分老岑寂何待而今方息機

落魄

落魄無勞更問天且隨人放少年願鶯花又過清明節風  
月仍留嘯傲緣永夜不眠貪索句經旬廢飲坐無錢從今  
便得安心法已負韶華四十年

夢遠適登涉甚憊忽風雨驚覺枕上賦此

幽棲粗覺數椽完豈謂驚魂老未安萬里關河孤枕夢五  
更風雨一鐙寒磨牛陳迹知何益郊馬乾皮亦可歎卻笑  
天公真相汝不教迷路到邯鄲

過世滋墓下

憶得聯吟破旅愁湘南風雨共歸舟荒墳玉樹成終古落  
葉黃花又十秋地下可能無怨魄人間何處有丹邱傷心  
一片寒山石碧蘚縱橫上獸頭

戲效演雅

終宵擾擾鼠盜肉竟日營營蠅襲糞羶嶺表蚶蜊俱有翼淮  
南雞犬亦登仙蛙當給廩何云襍雀解依人劇可憐笑汝  
沙頭老黃鵠夜涼翹頸望霄煙

題呂氏家傳後

有序

北平呂季瑋秀才遇余於益陽舟次酒闌出家傳相示  
云其六世祖僉事公含於勝國天啟閒上書論邊事斥  
閹黨謫死嶺南瀕死猶作書欲致當事而有司無敢達  
者比公子士儀收遺骸歸始獲草於衣帶閒辭旨憤切  
若不知前以言獲譴者吁其可悲矣其書具詳傳中士  
儀亦以甲申率鄉義勇死國難余惜夫誼士之死節而

史無傳焉賦此備徵軼者採訪云

遺老都教一網除紛紛猶復假邊儲

自注疏中言內騎四出額外詠責皆以邊

餉屬

百年親見銅人泣萬死誰傳雪窖書冤鳥猶思石填

海怒蟲休笑臂當車前朝舊事那堪說簡蠶摩抄憾有餘

濱口雨後晚發

漠漠輕陰來遠墟濛濛晚色滿平蕪寒星暎水乍明滅細  
雨颺風時有無漸覺潮生沒洲渚坐聽舟過響菰蒲此情  
誰道寂寥極有酒徑須千斛沽

九日登南臺是兒時從大父游處

雲門幽徑記曾攀四十年來一瞬間自笑衰顏非昔日也  
乘佳節款禪關濤聲依舊金溪渡林影分明北郭山風景



不殊人事異愴懷那禁淚潸潸

遺悶

無復談千載酒過一盞枯對影婆娑寒蟲夜永吟風急破  
屋苔深潤雨多更逐征塵嗟老矣未償幽願奈貧何旁人  
笑絕書生態竟少頗狂拍手歌

山寺雨甚對酒

隱隱雷聲出隘門旋看野色變陰昏迴風亂捲凝雲上老  
樹狂兼急雨喧乍喜晚涼清午熱卻愁歸路近溪村山僧  
似解流連意頻爲遊人勸舉樽

晚食示唐郎植

一飽無勞併日營隨緣鄉味得煎烹風鱸小試樟頭菌雪

碗分嘗粟子稷自注五穀稱早稻差晚而赤色者爲粟子稷捫腹未應慙肉食  
支腸差免作雷鳴來朝快意君知否新見彫菘茁短莖

鷹

眩眼斑斑碎錦紋細看鐵骨纏霜筋雄心怒挾三秋氣老  
翻橫盤萬里雪天上瓊瑤原有種人間狐兔敢論羣時艱  
思爾殊尤器好爲饑鳴一策勦

晚晴步江隄看桃李花

江城新喜豁陰霏得趁游人躡落暉正恐鶯花如夢過早  
驚蜂蝶作團飛凝雪礙路難通屐香雪迎風亂打衣老去  
自憐情味惡尙餘幽興爲芳菲

諷佃二首

老憊難勝隴畝勤，頻年艾柞累諸君。莫嫌鋤澤剛三寸，已放春光去二分。社後早看年作穉，秋來還擬稼如雲。山城一夜傾盆雨，忍負連畦穀綺紋。

年來水旱迭侵尋，孤負三農望歲心。百室可憐雞犬盡，四郊惟是草萊侵。偶全骨肉甯非幸，再迫饑寒恐不禁。肯趁新晴將獵去，南溪山色滿清陰。

睡起雨甚成句

鴨鱸殘炷裊餘香，小閣陰深午正長。客夢忽驚檐雨急，虛堂先送竹風涼。山泉瀉綠穿莎徑，壁蘚分青上石牀。便擬窮年守空寂，人閒何事漫思量。

聞蔣大自章門移嶺南卻寄

頻年薄宦滯江潭聞說征車更指南信有才如千戶劔絕  
隣身似再眠蠶夏陰憶汝翻絃雪夜雨何時聽石楠無限  
天涯離索意白頭長鬢倍難堪

祝學使

慶蕃

屢書見招僕以家累未能赴也寄謝以

詩

五年衫笠脫征塵暫乞田園自在身蟲臂已應隨造物豬  
肝宿復累他人交慙星社諸昆弟誼忝洲陽舊主賓欲更  
相從那可得白頭吟望獨傾神

感興

碧海青天路渺漫層城何處玉欄杆空聞羽客誇鴻脯曾  
見仙人食馬肝幻夢可連車上舞癡魂終作案頭乾琅函

一幅雲煙字莫道深文索解難

錦石峯寺小憩憶僕年二十六七時此閒游處經歲  
不勝今昔之感也

古寺雨餘苔滿扉老藤垂陰周四圍溪風吹酒坐來晚山  
鳥狎人鳴不飛舊社僧徒已無在當時居鄰今亦非眼中  
故物定誰是羨汝錦紋雙石磯

歲後步江隄終日

田家歲後將迎少破帽輕衫得自由一塢春雲烘日暖半  
江新水帶冰流未妨蘚石縈欹徑閒送風湍下暮鷗過客  
不須驚放浪知余心已似虛舟

雜感四首

八方風雨會神京奕代深仁樹立宏尺土經營關  
帝籍一夫疴痛切皇情從來積羽能摧軸豈有潢池許  
弄兵千載安危憑吏治始知召杜是勳名

寒山漠漠水鱗鱗曾見遊車滿陌塵城郭憑臨真似夢鶯  
花零落不成春滔天淫潦浮妖祲滿地哀鴻變鬼燐哀哀  
諸公思報稱可能無意到然薪

徵鬼徵人各是非堂堂公論敢終違縱緣腐鼠成鴟嚇可  
信妖狐借虎威花柳滿橋迎綵仗笙歌盈耳送殘暉承平  
樂事從容甚知否秦山正合圍

青山一髮古吳城天末頻年望眼驚歲月無情春又暮風  
波如此路難行防河近許權三策議禮終思屈兩生隴畝

不關人事計老懷遙夜漫縱橫

早甚夜忽大雨喜而有作

漫天雲火雜塵埃炎氣經旬黯不開一夜雷霆衝地起萬  
山風雨過江來頗聞望澤連州郡更說瀕湖半草萊天意  
共知仁愛甚坐叨甘食愧非材

別仲端四十五年矣今冬忽惠然過訪兼出見贈詩  
二章辭意悽警讀之殆難爲懷卽用其韻酬之亦以  
見同心之誼老而愈切也

頻歲鴻書入夢思今晨喜共一尊持相看鬢髮非當日略  
有音容似舊時二惠可憐旗獨爽自注謂王諸郎聞說障  
能詩西窗松火連宵語未覺庭階月屢移

天涯四十五星霜老去心懷倍渺茫  
世事拋從雙白眼人生堪熟幾黃梁  
紛紛蠻觸喧爭裏擾擾雞蟲得失場  
俯仰此身空健在誰能前路指迷藏

臨湘舟中別謝方止之華容

今夜葦湖月扁舟遠送君明朝分棹去  
空望赤亭雲

柳

孌孌平垂地青青半掩樓  
憐渠春色好祇是不禁秋

宋觀察借園雜景八首

杉湖煙雨

宜池莫如煙宜雨莫如水  
君看湖上山都在空濛裏

榕寺霜鐘



榕老戍樓古秋深霜氣濃報公且安臥纔打五更鐘

竹渚垂綸

呂老釣得國巖陵釣得名先生渾一笑吾已沸吾羹

松亭坐月

鬱鬱亭外松皎皎松閒月依依月下人松風清透骨

堯山積雪

神堯亦有山落此蜚黎穴真偽何足論且吟暮天雪

獨秀晴嵐

秀峯一片雲潑眼若流汞怪得杉湖波都作金光動

漁市春聲

浩浩市聲起漁人朝趁墟桃花春水闊何處覓鱸魚

蓮舟晚渡

粵女不著鞵，粵艇不著榜。但愛蓮花紅，不識蓮心苦。

自嶽麓曉行涉南湖港

斗酒新探麓口迴，又扶殘醉過江來。不知風雪城南道，昨夜梅花幾樹開。

客館題壁

斜月欲落仍未落，殘燈乍明復不明。羈人寒起擁衾坐，四壁秋風蟲亂鳴。

無復

無復清罇伴寂寥，秋河清淺夜迢迢。西風吹散庭槐影，碧玉簾鉤響自搖。

沅陵別劉爾先

大酉山頭夕照紅，旗亭立馬話匆匆。  
天寒落葉聲如雨，我欲西歸君又東。

華容道中

細路千盤上石門，望中鄉甸雨昏昏。  
人煙一道隨溪轉，知是湖西第幾村。

曉行

濃霧著花都作雨，澹煙籠水欲生秋。  
數聲唳鳥楚江曙，殘月正挂天西頭。

發新寧

亂山遼闊雲無邊，南旋正逢秋暮天。  
荒村日晚北風起，黃

葉落滿鱸魚船

鄭履原春江花鳥圖四首

小港潮迴風力微  
估帆漁艇晚爭歸  
野蒲相映水湛綠  
翠鳥一雙驚欲飛

極浦蒼蒼暝色催  
亂灘春水疾於雷  
中宵相憶翠雲寺  
似有隔江風雨來

吳生畫筆稱佳手

自注時武陵吳秋陽亦以畫名

如此溪山謝不能比似

湘西三月裏桃花江上記吾曾

石磴陰谿長薜蘿  
雨餘空翠映人多  
春光如許不歸去  
柰爾毵毵雙鬢何

董紹庭江林驟雨障子

漫天雲氣不分明  
萬木掀騰聽有聲  
絕似衡陽望湘浦  
九秋風雨入江城

郢中

六宮簫管葬夷陵  
轉眼滄桑幾廢興  
一笑澤麋成底事  
向來蛇雉太無憑

金陵二首

殘劫誰能扇死灰  
笙歌猶自關如雷  
漫誇龍虎鍾王氣  
不記前朝白雁來  
王謝風流事已非  
莫將門巷問烏衣  
生憎無數春深燕  
猶趁樓臺高處飛

循邵陵東城登雙清亭返放舟涉江三首

負郭自尋村逕迂熟知高處有精廬溪山莫笑舊游客與  
汝依然俱故吾

瓜皮艇子兩槳橫倚舵作勢轉側輕東西行客莫喚渡我  
欲狎浪中流行

東隄西隄春水平乘流時作迴波縈汀洲鳧雁亦無賴引  
頸叫號顧客行

湘口紀行

濱陽歸路繞湘衡歷歷鄉關望眼明三十六灣秋色裏一  
帆風雨泝江行

遣懷三首

虞叟擔簦曾去北馮生彈鋏又從東迴頭一笑三年事悵

北平飛將萬夫雄，猿臂爭誇挽健弓。  
空向灞陵原上獵，漢廷新策衛青功。

癡妄空教百慮攢，紛紛忤觸總無端。  
人錯料維摩病禿髮，籠扇倚藥欄。

題錦石峯寺壁

東西僧舍半蒼苔，尚有叢林繞廢臺。  
山徑晚風穿閣出，松花如雨亂飄來。

石門山人臥雪圖

山川滿目絕人行，一點炊煙隔水明。  
殘雪壓籬簷溜重，牛衣愁臥老諸生。

問砧

客子窮棲背水林，閒尋幽圃得微吟。  
滿欄花露征衫薄，巷秋風何處砧。

苦臥四絕句

貧肯隨人作生活，病亦聽命安存亡。  
天公變異不可測，我似一粟浮蒼茫。

避巖伏枕僧房高，未礙林麓相周遭。  
山風欺我病無力，四野怒作秋聲號。

苦臥始知秋夜長，孤檠耿耿搖餘光。  
擁衾忽覺五更冷，斜月欲落烏唳霜。

三年破寺依僧曹，無家且作空門逃。  
孤鴻合遣相伴侶，爾



亦永夜鳴嗷嗷

海棠橋謁淮海祠

醉鄉廣大人閒小

自注淮海飲海棠橋  
祠秀才家詞句也

祇合逃身麴部中

今日邕江一樽酒可能吟魄下靈風

題徐生晚節香雜劇

世事何如把酒卮故園松菊已盈墀請君試按紅牙拍歌  
向風清露白時

釣臺二首

一代中興開氣運主臣風義兩峻嶒僮兒謬作饑鴟嚇可  
笑人間有范升

千載邦邦誇舊蹟荒臺猶自指林於卻嗟不及牛君直舉

世無人識里居

冀州塗次

瀕洞風塵萬里餘，癡兒可笑耳生車。  
都誇官似林牙好，誰爲荒墳讀漢書。

有答二首

集賢三館近蓬萊，物望同傾博雅才。  
聞說南臺新柱史，急章先劾鄭州來。

行家官錦最時宜，花樣新裁世豈知。  
贏得歡聲滿閭巷，人閒原愛瞽兒詞。

秋夕寄懷敬之郎中季壽明府二首

韋廬詩老今何似，相望關河歲五周。  
料得東軒風露下，白

頭吟對菊枝秋

元亮之官非本意近傳音信落并州人閒東帶君休怪不  
拜兒曹拜督郵

可歎二首

十年夢墮塵泥裏幾輩相誇快犢車正似江南徐正字新  
歌一闋賣中書

暖雪寒花得暫榮紛紛蠅蚋可憐生君看淮上琉璃冢奕  
世無人識姓名

北平酬送高麗使臣返國四首

京門柳色弄春暉二月風和使節歸記得行人西去日雪  
花如絮上征衣

歸路悠悠指潞河沿隄春水漸生波朝來莫訝衫痕少  
是 天家雨露多

聞說三山駕六鼇樽桑東望彩雲高羨君拜罷皇華賦歸  
看金輪浴海濤

湘南羈客鬢如蓬豈有才名海外通不道天涯蕭瑟夜又  
傳詩句過遼東

出都三首

黃金臺畔千場醉狼籍巾衫半酒痕十載行吟京國遍騎  
驢依舊出都門

平坡

自注卽古翠微山

青翠接城闌萬兩游車歷軟塵我自欲歸

湘寺臥不關山色不留人

一念真堪了萬緣故園歸路直如絃明朝若過邯鄲道休就仙人借枕眠

喜新構小室成夏日睡起二首

旅病經年苦怯熱結廬故就青林旁小窗日上午睡足竹風吹送虛堂涼

江村五月梅子肥萬點新黃明落暉紛紛蜂蝶去不顧爾生那及見芳菲

葉方伯

紹奎

祝廉訪

慶承

朱觀察

鳴琦

周觀察

鶴蓮

招陪慶中丞讌集景風閣分賦得絕句五首

灘江下接陽江水萬箇煙縈曲繞城天遣遊人窮變態半致陰雨半教晴

城隅幽徑上連岑十五年前此醉吟惆悵湘南風景地  
落花飛絮又春深

洞口題名尙儼然後村詩句劇清妍

自注洞壁有劉後村詩

休將聲

筑憐劉季未信枯蓬便自賢

自注劉季晚可憐擊筑悲沛豐我老斷恐怕眠身等枯蓬

後村詩中語也

駒子東遷竟未回居人猶說馬王臺斜陽滿地荆榛影空  
見龜趺沒草萊

使君名德庇千廈諸老風流潤百河卻笑野夫無一事半  
生贏得看山多

戲贈牡丹

憑欄一朵玉玲瓏曉日晴烘旋欲融休信旁人誇富貴可

能旬日耐東風

感事二首

休論百萬買垂和棄擲誰能著手摩好事諸梁君莫笑人  
閒如此亦無多

世事何如吹劒首生涯真似浙矛頭年來萬慮俱消歇歸  
看湘山煙雨秋

寄題佑之制軍所畫篋頭雙墨蝶

風前粉黛一雙肥都著烏金細縷衣憶得羅浮山下路墨  
花如掌趁人飛

紀夢

中天紫氣澈重關滿耳溪聲滿目山惆悵瓊臺前度容不

知何事隨人閒

范山人隱居

仙人居對兩鬢青日捲疏簾坐小亭  
松桂影沈春晝靜玉  
豪揮露寫黃庭

晚秋涉江至南溪三首

桃港吟春曾幾日菊花浮酒又重陽  
人閒歲月如流水忍  
對西風不放狂

過江山色青如畫臨水人家澹欲仙  
細數歸舟沿蓼岸閒  
看馴鵲下墟煙

江頭竟日不歸去興在南溪落照旁  
聞說前山楓葉好更  
須留看萬株霜



聞鐘

平野霜時獨倚筇，忽聞天末一聲鐘。  
秋林滿眼雲嵐闊，知在溪西第幾峯。

六絕句

溪流活潑新春雨，山色模糊薄暮雲。  
到眼都關娛老計，怪渠塵事日紛紛。

經生但識李少府，學士安知張趙王。  
俛仰人間自今古，千卿何事費評量。

穴中竊寵未爲得，囊裏談天亦有涯。  
樂汝無知真汝福，不勞腥腐過相誇。

孔雀未知牛有角，黔驢妄意虎可躡。  
汝曹作計殊草草，始

信天全是木雞

一窗蕉影晚風細滿地露華新月高掃案恰能容酒匱  
朱時爲注離騷

心頭那識爾許事眼底安知昨暮兒笑謝主人吾老矣可  
能風雨漫追隨

舟行自永衡過長沙二首

扁舟來赴看山盟盡日湘南側花行七十二峯相對出  
天嵐翠不分明

長江東極指天流石馬銅官路阻修多謝西風爲料理夜  
來歌舞過湘洲

九日泊謝港聞居人多往遊西山者意甚喜之迷路

入村場閒卽所見成絕句三首

九日江鄉好天氣  
游人爭說看西山  
老夫乘興不知路  
隨意綠莎黃葉閒

萬樹碧搖雲黯澹  
一溪寒瀉玉玲瓏  
都言山似畫圖好  
可許荆關寫態工

天末輕陰開遠岫  
江干修路起遙風  
莫言晚景太蕭瑟  
看放斜陽萬頃紅

喜夜涼枕上得句

小軒三面掩梧楸  
清簟涼生夏亦秋  
半夜酒醒人不寐  
臥聽疏雨過西樓

題于立秋鐙聽雨圖二首

二蘇宦顯登三事許國身難自主持藉使當年終落拓對  
牀吟嘯已多時

相望天涯兩弟兄年年秋雨倍關情絕憐白髮瀉山客一  
枕孤寒聽此聲

史上舍

善襄

奉其十一世祖西村先生蓉莊秋霽圖

屬題感賦絕句三首

木芙蓉裏數椽屋諸老風流海內間

自注圖中序云先生與沈石田吳龍庵諸

老宿日鶻

想得松陵江畔路夕陽花影爛如雲

詠其中

哲孫邂逅瀆陽道屈指流年三百餘仍見舊家風格在

髯紅頰一編書

遜國當年萬里行君家遺錄劇分明天南一掬孤臣淚不

爲錢朱掩姓名

自注史侍講彬致身錄言遜國事特詳因

故溯源及之且使讀斯錄者

毋惑於牧齋竹垞之說也